

واد من صبياني ، اسمه جلال . . لسه غشيم . . اتمسك بشوية بودرة . . كام  
تذكرة كده ع الماشى . . قال المحامى :

اسمع يا معلم . . «أنت عارف أن المحامى زى الدكتور . . والمتهم زى  
المريض . . علشان كده، لازم المريض يكون صريحاً مع الطبيب، علشان يشخص  
المرض مظبوط، ويكتبه العلاج المناسب» . . رد المعلم :

(عداك العيب يا أستاذ . . بصراحة أنا خايف ان الواد يجيب رجلى فى القضية  
دى وكللك نظر) .

- (يعنى سيادتك بقى تاجر مخدرات)؟-

وقبل أن يكمل المحامى كلمته ، كان المعلم قد دس يده فى جيبيه وأخرج لفافة ،  
بها كمية كبيرة من النقود - لم أستطع اكتشاف عددها - ومد يده يناولها للمحامى ،  
الذى أشاح بها بعيداً عنه ، وقال فى غضب كبير:

«خلى فلوسك فى جيبيك ياراجل أنت ، واغرب عن وجهى ، قبل ما أوديك فى  
داهية . . أنتم ناس معندكمش ضمير ، بتقتلوا ولادنا وشبابنا بالسموم والبلاوى اللى  
بتبيعونها لهم . . والله أنتم لازم تتحرقوا حرق» . . ثم نظر المحامى إلى السمسار عطوة  
قائلاً: .

(أنا بتاع القضايا دى يا يعطوة - على كل حال لك معايا حساب) .

خرج المعلم غريب وهو يتمتم: .

(والله لأجيب للواد جلال سيد سيدك يا محامى يا . . ) .

هذان النموذجان شاهدتهما بعينى رأسى . . محاميان: أحدهما لا ضمير له ولا مبدأ .  
والثانى لا يخشى فى الله لومة لائم . . وقد يقول قائل: .

إن البشر فيهم الصالح ، وفيهم الطالح . . وهنا ، أقول: .

نعم ، ولكن البشر الذين يعملون فى ميدان تحقيق العدالة ، لا بد وأن تتوفر  
لديهم مواصفات خاصة . . لا بد من اختيارهم من صفوف المجتمع ، لا يفرضهم على  
المجال النبيل مجموعهم ، ولجان التنسيق وغيرها كما يحدث هذه الأيام .

منذ أيام كان (الرول) مزدحماً بالقضايا . . جلست هيئة المحكمة منذ العاشرة  
صباحاً وحتى الخامسة . . كان هذا اليوم: يوم النطق بالحكم فى العديد من القضايا